

轉

屋

韓內翰香奩集序

余溺於章句信有年矣誠知非士大夫所為不能忘情天所賦也自庚辰辛巳之際迄己亥庚子之間所著歌詩不啻千首其間以綺麗得意者亦數百篇往往在士大夫口或樂官一作工配入聲律粉牆椒壁斜行小字竊詠者不可勝紀大盜入關細帙都墜徙轉流不常厥居求生草莽之中豈復以吟詠一作賦為意或天涯逢舊識或避地遇故人醉詠之暇時及拙唱自爾鳩集復得百篇不忍棄捐隨即編錄遐思宮體未降一作解稱庾信攻文却誚玉臺何必使徐陵作序粗得捧心之態幸無折齒之慙柳巷青樓未嘗嫌糝金閨繡戶始預風流咀五色之靈芝香生九竅咽三危之瑞露美動七情若有責其不經亦望以功掩過玉山樵人韓致堯序

韓內翰香奩集目錄

翰林學士承旨行尚書戶部侍郎知制誥上柱國萬年韓偓字致堯

幽窗

江樓二首

春盡日

詠燈

別緒

見花

馬上見

遠廊

展子

青春

聞雨

懶起

已涼

欲去

橫塘

五更

聯綴體

半睡

夜深

哭花

重遊曲江

遙見

新秋

宮詞

踏青

寒食夜

夏日

新上頭

中庭

詠浴

席上有贈

早歸

玉合

金陵

懶卸頭

倚醉

詠手

荷花

髻髻

寄遠

蹤跡

病憶

妬媒

不見

晝寢

意緒

惆悵

忍笑

初赴期集

詠柳二首

密意

偶見

寒食夜有寄

效崔輔國體四首

補李波小妹歌

春晝

三憶

六言三首

寒食重遊有懷

錄舊詩有感

春閨二首

代小玉寄裴公

薦福寺偶見有別

復偶見三絕

厭花落

春悶偶成

偶見背面兼夢

五更

有憶

半夜

信筆

寄恨

兩處

擁鼻

閨恨

裏娜

多情

偶見

箇儂

荔枝三首

無題第一

第二

第三

第四倒押前韵

曲子浣溪沙二首

黃蜀葵賦

紅芭蕉賦

南浦

深院

閨忙

想得

自負

天涼

日高

夕陽

舊館

中春憶贈

半睡

春恨

韓內翰香奩集

翰林學士承旨行尚書戶部侍郎知制誥上柱國萬年韓偓字致堯

幽窗

刺繡非無暇幽窗日影數手香江橘嫩黃冷越梅酸密約臨行怯私書欲報難無憑語鶻語猶得暫心寬

江樓

夢啼嗚咽覺無語杳杳微微望煙浦樓空客散燕交飛江靜帆稀日亭午
鯢魚苦笋香味新楊花酒旗三月春風光百計牽人老爭奈多情是病身

春盡日

樹頭初日照西簷樹底鶯花夜雨霑外院池亭聞動鑠後堂關檻見垂簾柳腰入戶風斜倚榆莢堆牆
水半淹把酒送春悵惆在年年三月病厭厭

詠燈

高在酒樓明錦幕遠隨漁艇泊煙江古來幽怨皆銷骨休向長門背雨窗

別緒

別緒靜悄悄牽愁暗入心已迴花渚棹悔聽酒壚琴菊露淒羅幕梨霜側錦衾此身終獨宿到死誓相尋
月好知何計歌闌欲不禁山巔更高處憶上上頭吟

見花

寒裳擁鼻正吟詩日午牆頭獨見時
血染蜀羅山躑躅肉紅宮錦海棠梨
因狂得病真閑事欲詠無才是
所悲看却春一作東風歸去也爭教判得寂繁枝

馬上見

騎馬錦連乾乘騎是謫仙和裙穿玉韁隔袖把金鞭
去帶情騰醉歸成一作應困頓眠自憐輪度更餘暖在

香齋

遠廊

濃煙隔簾香漏泄斜燈映竹光參差遠廊倚柱堪
一作更惆悵細一作微雨輕寒花落時

展子

方一作六寸膚圓光綴綴白羅繡簾紅托一作花裏南朝天子
欠風流却重金蓮輕綠齒

青春

眼意心期卒未休暗中終擬約秦樓
光陰負我難相偶一作遇情緒牽人不自由
遙夜定嫌香散膝悶時一作作
心應弄玉搔頭櫻桃花謝梨花發腸斷青春兩處愁

聞雨

香侵散膝夜寒輕聞雨傷春夢不成
羅帳四垂紅一作花燭背玉釵敲著枕函聲

懶起

百舌喚朝眠春心動幾般枕痕霞暗淡粉玉闌干籠繡香煙歇屏山燭焰殘暖嫌羅襪窄瘦覺錦衣寬昨夜三更雨臨明一陣寒海棠花在不否側卧卷簾看

已涼

碧闌干外繡簾垂猩色屏風畫折枝八尺龍鬚方錦褥已涼天氣未寒時

欲去

紛紜隔窗語重約臨青期縱得相逢處無非欲去時恨深書不盡寵極意多疑惆悵桃源路唯教夢寐知

橫塘

秋風酒背入簾霜鳳頸燈清照洞房蜀紙麝煤添筆興越甌犀液發茶香風飄亂點更籌轉拍送繁絃曲破長散客出門斜月在兩眉愁思向

一作橫塘

五更

往年曾約鬱金牀半夜潛身入洞房懷裏不知金鈿落暗中唯覺繡幃香此時欲別魂俱斷自後相逢眼更狂光景暗消惆悵在一生贏得是淒涼

聯綴體

院宇秋明日日長社前一鴈別遼陽龍頭針線年年事不喜寒砧搗斷腸

半睡

攬鏡仍嫌重更衣又怕寒宵分未歸帳半睡待郎看

夜深

一作寒食夜

清江碧草兩悠悠各自風流一種愁正是落花寒食雨夜深無伴倚空樓

哭花

曾愁香結破顏遲今見妖紅委地時若是有情爭不哭夜來風雨葬西施

重遊曲江

鞭梢亂拂暗傷情蹤跡難尋露草青猶是玉輪曾輾處一泓秋水漲浮萍

遙見

悲歌淚濕淡胭脂閑立風吹金縷衣白玉堂東遙見後令人斗薄畫楊妃

新秋

一夜清風動扇愁昔時容色入新秋桃花臉裏汪汪淚忍到更深枕上流

宮詞

繡裙斜立正銷魂侍女移燈掩殿門燕子不歸花著雨春風應自怨黃昏

踏青

踏青會散欲歸時金車久立頻催上收裙整髻故留遲雨點深心各惆悵

寒食夜

一作夜深

惻惻輕寒剪剪風小梅飄雪杏花紅夜深斜搭鞦韆索樓閣朦朧細雨中

夏日

庭樹新陰葉未成玉階人靜下簾聲相風不動烏龍睡時有幽禽自喚名

新上頭

學梳鬆鬢試新裙消息佳期在此春為要好多心轉惑遍將宜稱問傍人

中庭

夜短睡遲慵早起日高方始出紗窗中庭自摘青梅子先向釵頭戴一隻

詠浴

再向魚犀攏翠髻解衣先覺冷森森教移蘭燭頻羞影自試香湯更怕深初似洗花難抑按終憂沃雪不勝任豈知侍女簾帷外賸取君王幾餅金

席上有贈

矜嚴標格絕嫌猜嗔怒雖逢笑靨開小鴈斜侵眉柳去娟霞橫接眼波來鬢垂香頸雲遮藕粉著蘭胸雪壓梅莫道風流無宋玉好將心力事粧臺

早歸

去是黃昏後歸當朧朧時衣吟宿醉風露動相思

玉合雜言

羅囊繡雨鳳凰玉合雕雙鷓鴣中有蘭膏漬紅豆每迴拈著長相憶長相憶經幾春人悵望香氤氲開絨
不見新書迹帶粉猶殘舊指痕

金陵雜言

風雨蕭蕭石頭城下木蘭橈煙月迢迢金陵渡口去來潮自古風流皆暗銷才鬼妖魂誰與招彩牋麗句
徒已矣羅襪金蓮何寂寞

懶却頭

侍女動粧奩故故驚人睡那知本未眠背面由垂淚懶却鳳凰釵羞入鴛鴦被時復見殘燈和煙墜金穗
倚醉

倚醉無端尋舊約却憐惆悵轉難勝靜中樓閣深春雨遠處簾櫳半夜燈抱柱立時風細細遠廊行處
思騰騰分明窗下聞裁剪敲遍關干喚不應

詠手

腕白膚紅玉笋芽調琴抽線露尖斜背人細撫垂胭鬢向鏡輕勻襯眼霞悵望昔逢褰繡幌依稀曾
見托金車後園笑向同行道摘得麝無又折花

荷花

鈿扇相歌綠香囊獨立紅浸淫因重露狂暴是秋風逸調無人唱秋塘每夜空何由見周昉移入畫屏
中

髮髻

髻根鬆暢玉釵垂指點庭花又過時坐久暗生惆悵事背人勻却淡胭脂

寄遠

在歧下
目作

眉如半月雲如鬢梧桐葉落敲井欄孤燈亭亭公署寒微霜淒淒客衣單想佳人兮雲一端夢魂悠悠
關山難空牀展轉懷悲酸銅壺漏盡開金鸞

蹤跡

東烏西兔似車輪劫火桑田不復論唯有風光與蹤跡思量長是暗消魂

病憶

信知尤物必牽情一顧難酬覺命輕曾把禪機消此病破除纔盡又重生

妬媒

洞房深閉不曾開橫卧烏龍作妬媒好鳥豈勞兼比翼異花何必更重臺難留旋逐驚飈去暫見如隨急
電來多為過防成後悔偶因翻語得深猜已嫌刻燭春宵短寂恨鳴珂曉鼓催應笑楚襄仙分薄日中長
是獨徘徊

不見

動靜防閑又怕疑佯佯脉脉是深機此身願作君家燕秋社歸時也不歸

晝寢

碧梧陰靜隔簾櫳。扇拂金鸞玉簾烘。撲粉更添香體滑。解衣惟見下裳紅。煩襟乍觸冰壺冷。倦枕徐欹寶髻鬆。何必苦勞魂與夢。王昌只在此牆東。

意緒

絕代佳人何寂寞。梨花未發梅花落。東風吹雨入西園。銀線千條度虛閣。臉粉難勻蜀酒濃。口脂易印吳綾薄。嬌饒意緒不勝羞。願倚郎肩永相著。

惆悵

身情長在暗相隨。生魄隨君君豈知。被頭不暖空沾淚。釵股欲分猶半疑。朗月清風難愜意。詞人絕色多傷離。何如飲酒連千醉。席地幕天無所知。

忍笑

宮樣衣裳淺畫眉。曉來梳洗更相宜。水精鸚鵡釵頭顫。欵袂佯羞忍笑時。

初赴期集

輕寒著背雨淒淒。九陌無塵未有泥。還是平時舊滋味。湯垂鞭袖過街西。

詠柳二首

裏雨拖風不自持。全身無力向人垂。玉纖折得遙相贈。便是觀音手裏時。
一籠金線拂彎橋。幾被兒童損舊腰。無奈靈和標格在。春來依舊裏長條。

密意

呵花貼鬢粘寒鬢凝酥光透猩猩血經過洛水幾多人唯有陳王見羅襪

偶見

鞦韆打困解羅裙指點醺酣酒一樽見客入來和笑走手撿梅子映中門

寒食夜有寄

風流大抵是悵悵此際相思必斷腸雲薄月昏寒食夜隔簾微雨杏花香

效崔輔國

一作體四首
國輔體

淡月照中庭海棠花自落獨立俯閑階風動鞦韆索

雨後碧苔院霜來紅葉樓閑階上斜日鸚鵡伴人愁

酒力滋睡眸齒芬聞街鼓欲明天更寒東風打窗雨

羅幕生春寒繡窗愁未眠南湖一夜雨應濕採蓮船

後魏時相州人作李波小妹歌疑其未備因補之

李波小妹字雍容窄衣短袖蠻錦紅未解有情夢梁殿何曾自媚妬吳宮誰教牽引知酒味因令悵望

成春幄海棠花下鞦韆畔背人撿鬢道匆匆

春晝

四言

春融艷艷大醉陶陶漏添遲日箭減良宵藤垂戟戶柳拂河橋簾幙燕子池塘伯勞膚清臂瘦衫薄香銷
楚殿衣窄南朝髻高河陽縣遠清波地遙絲纏露泣各自無悵

三憶

憶眠時春夢困騰騰展轉不能起玉釵垂枕稜
憶行時背手按金雀歛笑悵迴頭步轉關干角
憶去時向月遲遲行強語戲同伴圖郎聞笑聲

六言 三首

春樓處子傾城金陵狎客多情朝雲暮雨會合羅襪繡被逢迎華山梧桐相覆蠻江豆蔻連生幽歡不盡
告別秋河悵望平明

一燈前雨落後三月盡草青時半寒半暖正好花開花謝相思惆悵空教夢見懊惱多風酒悲紅袖不乾
誰會揉損聯娟淺眉

此間青草更遠不唯空遠汀洲那裏朝日才出還應先照西樓憶淚因成恨淚夢遊長續心遊桃源洞口
來否絳節霓旌久留

寒食日重遊李氏林亭有懷

往時同在鸞橋上見倚朱欄詠柳綿今日獨來香徑裏更無人跡有苔錢傷心澗別三千里屈指思量四
五年料得他鄉遇佳節亦應懷抱暗凄然

思錄舊詩於卷上凄然有感因成一章

緝綴小詩鈔卷裏尋思閑事到心頭自吟自泣無人會腸斷蓬山第一流

春閨 二首

願結交加夢因傾漱懣惺來情緒惡簾外正黃昏

氲一作氣帳裏香薄薄睡時粧長吁解羅帶怯見上空牀

代小玉家為蕃騎所虜後寄故集賢裴公

動天金鼓碧神州惜別無心學墜樓不得迴眸辭傳粉便須含淚對殘秋折釵伴妾理青塚半鏡隨郎葬杜郵唯有此宵魂夢裏殷勤相覓鳳池頭

薦福寺講筵偶見有別

見時濃日午別處暮鐘殘景色疑春盡襟懷似酒闌兩情含眷戀一餉致辛酸夜靜長廊下難尋展齒看

復偶見三絕

霧為襟袖玉為冠半似羞人半忍寒別易會難良自嘆轉身應把淚珠彈

桃花臉薄難藏淚柳葉眉長易覺愁密迹未成當面笑幾迴抬眼又低頭

半身映竹輕聞語一手揭簾微轉頭此意別人應未覺不勝情緒兩風流

厭花落

厭花落人寂寞果樹陰成燕翅齊西園永日閑高閣後堂夾簾愁不捲低頭愁把衣襟撫忽無事到心中來四肢嬌入草草眼也曾同在華堂宴佯佯攏鬢偷迴面半醉狂心忍不禁分明一任傍人見書中說却平生事猶嫌未滿情郎意錦囊封了又重開夜深窗下燒紅紙紅紙千張言不盡至誠無語傳心印但得